

Rhifyn 12
CHWEF 2024

GIPOLWG AR Y BWRDD

IGDC • DHCW



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

Croeso i Gipolwg ar y Bwrdd, Fel aelodau Bwrdd yr Awdurdod Iechyd Arbennig, rydym i gyd yn teimlo ei bod yn bwysig rhoi'r wybodaeth ddiweddaraf i chi am rywfaint o'r gwaith rydym yn ei wneud ar draws y sefydliad ac yn GIG Cymru. Daw'r rhifyn hwn gan **David Selway** ein Haelod Annibynnol.

Annwyl gyfeillion/ Dear colleagues,

Roeddwn i wrth fy modd pan ofynnwyd i mi rannu Cipolwg ar y Bwrdd gyda chi i gyd y mis hwn. Mae'n amserol gan ein bod ni newydd gynnal ein cyfarfod Bwrdd ym mis Ionawr, wedi cael cyfarfod o Rwydwaith Digidol Aelodau Annibynnol Cymru Gyfan ac rwyf newydd gael cais i gymryd yr awenau fel Cadeirydd y Pwyllgor Cyflenwi Rhaglenni newydd.

Cyfarfod Bwrdd mis Ionawr

Mae gennym ni fan gwrando a dysgu ar y cyd rheolaidd ar yr agenda a'r mis hwn cawsom ni'r wybodaeth ddiweddaraf gan Rachael Powell, Cyfarwyddwr Cyswllt Gwybodaeth, Deallusrwydd ac Ymchwil ar **Ymchwil ac Arloesi**. Mae'r tîm wedi gwneud cynnydd sylweddol dros y flwyddyn ddiwethaf, gan hyrwyddo cyfleoedd ymchwil ac arloesi i grwpiau a rhwydweithiau cenedlaethol, gan arddangos ein cyflawniadau ac arfer gorau i gydweithwyr ar draws ein rhwydweithiau. Amlygodd Rachael hefyd yr hyn yr ydym ni wedi'i ddysgu dros y flwyddyn ddiwethaf a'n cynlluniau ar gyfer y misoedd nesaf.

Gyda'r buddsoddiad sylweddol sy'n cael ei wneud yn y **rhaglen Adnoddau Data Cenedlaethol** mae gennym gyfle gwych i "**ysgogi gwell gwerth a chanlyniadau trwy arloesi**" sy'n un o'n cenadaethau strategol.

Cawsom ddiweddariad ar strategaeth hirdymor drafft IGDC gan Ifan Evans, Cyfarwyddwr Gweithredol **Strategaeth. Mae strategaeth hirdymor IGDC** yn nodi'r rôl y byddwn yn ei chwarae yn y system iechyd a gofal yng Nghymru dros y chwe blynedd nesaf. Mae'n adeiladu ar ein cenadaethau, y pileri canolog y mae ein Cynllun Tymor Canolig Integredig (CTCI) wedi'i strwythuro o'u cwmpas, gan ddisgrifio ein hamcanion a'r effaith drawsnewidiol y disgwyliwn ei chael ar y broses o ddarparu gwasanaethau iechyd a gofal. Cawsom drafodaeth fywiog yn ystod cyfarfod y Bwrdd a bydd y tîm yn ystyried yr adborth a gawsant a bydd yn awr yn mynd allan am gyfnod o ymgynghori â Rhanddeiliaid, cyn i'r strategaeth derfynol gael ei chyflwyno'n ôl i Fwrdd SHA ym mis Mawrth. Cawsom hefyd ddiweddariad ar ein CTCI a gafodd dderbyniad da.

Yn unol â busnes arferol, cawsom **adroddiad cyllid** cynhwysfawr gan Claire Osmundsen-Little, Cyfarwyddwr Gweithredol Cyllid. Mae'n deg dweud bod gennym ni sawl her y flwyddyn ariannol hon fel sefydliad, ond cawsom sicrwydd y gallwn fynd i'r afael â'r rhain. Rwyf bob amser wedi fy mhlesio gan allu Claire i gyflwyno sefyllfa ariannol gymhleth mewn modd clir a chryno yn ogystal â thynnu ein sylw at y materion allweddol.

Fel sefydliad rydym wedi ymrwymo i fod yn agored a thryloyw, ac rydym yn sicrhau bod llif byw ar gael i aelodau'r cyhoedd y mae croeso iddynt fynychu ac arsylwi ein cyfarfodydd Bwrdd, gallwch ddal i fyny â recordiad y cyfarfod trwy'r wefan hefyd.

Pwyllgor Cyflenwi Rhaglenni Newydd

Yn ystod 2023-24, comisiynodd IGDC, gyda chymorth Llywodraeth Cymru, adolygiad annibynnol o Drefniadau Llywodraethu Rhaglenni. Y prif argymhelliad o'r adroddiad oedd symleiddio trefniadau llywodraethu i gynnwys llinellau atebolrwydd, sicrhau mwy o eglurder ynghylch rolau a chyfrifoldebau, gan ganiatáu i raglenni a gynhelir gan IGDC weithredu mewn modd agored a thryloyw.

Mae Cadeirydd IGDC a'r Prif Swyddog Gweithredol wedi cytuno i sefydlu is-bwyllgor o Fwrdd IGDC, y Pwyllgor Cyflawni Rhaglenni, i roi sicrwydd a chraffu ar gyflawni rhaglenni mawr a gynhelir gan IGDC mewn modd agored a thryloyw;

Pwrpas y pwyllgor yw:-

- Rhoi sicrwydd i'r Bwrdd a'r Prif Weithredwr (sef y Swyddog Atebol) bod trefniadau effeithiol ar waith o ran cyflawni rhaglenni mawr lechyd a Gofal Digidol Cymru.
- Cynghori'r Bwrdd a'r Prif Weithredwr ar ddatblygu a gweithredu prif raglenni a chynlluniau cyflawni allweddol yr Awdurdod Iechyd Arbennig (SHA).
- Cynghori'r Bwrdd a'r Prif Weithredwr, lle y bo'n briodol, ar sut y gellir cryfhau ei brif raglenni a'u datblygu ymhellach

Cynhaliwyd cyfarfod cyntaf y Pwyllgor Cyflawni Rhaglenni ar 9 Tachwedd 2023, ac yna cynhaliwyd Sesiwn Datblygu Pwyllgor ar 18 Ionawr 2024.

Cynhelir cyfarfod nesaf y Pwyllgor ar 6 Chwefror 2024. Mae Simon Jones, Cadeirydd IGDC, wedi gofyn imi gymryd yr awenau fel Cadeirydd y pwyllgor hwn, ac roeddwn i'n falch iawn o dderbyn y cynnig hynny.

Rhwydwaith Digidol Aelodau Annibynnol Cymru Gyfan

Hefyd, cyfarfu Rhwydwaith Digidol Aelodau Annibynnol Cymru Gyfan ym mis Ionawr. Mae'r Rhwydwaith yn agored i Aelodau Annibynnol o bob rhan o GIG Cymru sydd â rhywfaint o oruchwyliaeth dros waith digidol yn eu sefydliad. Mae tri aelod annibynnol IGDC (Ruth Glazzard, Rowan Gardner a finnau) hefyd yn mynychu, ac mae ein tîm llywodraethu yn cefnogi'r cyfarfod hwn.

Mae'r Rhwydwaith wedi sefydlu cymuned sy'n awyddus i ddysgu o brofiad ei gilydd a rhannu arferion bwrdd gorau. Yng nghyfarfod mis Ionawr cawsom dri chyflwyniad ardderchog gan y Byrddau Iechyd: -

- Cofnod Cleifion Electronig Bwrdd Iechyd Prifysgol Bae Abertawe ar gyfer cleifion arennau
- Cyfranogiad Ymddiriedolaeth GIG Prifysgol Felindre yn y rhaglen Adnoddau Data Cenedlaethol
- Gofal Iechyd Seiliedig ar Werth ym Mwrdd Iechyd Prifysgol Hywel Dda

Dim ond ym mis Ionawr 2023 y sefydlwyd y Rhwydwaith ac mae'n rhan o'n strategaeth ymgysylltu â sefydliadau GIG ehangach Cymru.

Diolch yn fawr!

David Selway

Gan ein Haelod Annibynnol
Independent Member



GIPOLWG AR Y BWRDD @DHCWales



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales